

www.BibleForChildren.org


San Mateo 8



Oualiuiptic ocatca se monamictililitl itich in altipetl Caná tlen poui itich in tlalmeh Galilea. Ompa ocatca nimaman in Jesús. Jesús uan nitlasalohcauan noiuqui oquintlaluihqueh itich non monamictililitl.



Itich nin iluitl otlán in vino, uan nimaman Jesús oquiluih:
—Acmo icpiah vino. Pero nimaman Jesús oquimiluih
naquin otlaxixilohtoyah ica in vino: —Ixconchiuacan
nochi tlen yeh namechoniluis.



Jesús oquintiquitih: —Ixquimontetemitican
ica atl in atecomeh. Uan yehuan yec
oquinpiauitihqueh. Ihcuacon Jesús
oquimiluih: —Axan ixconquixtican siqui,
uan ixconuiquilican nintlayacancau in
tlaxilouanih. Yehuan ohcon
occhiuqueh.



Nintlayacancau in tlaxilouanih ocyecoh in atl tlen omocuip vino. Pero yeh amo ocmatia canih oualeuaya non vino. Sayeh in tlaxilouanih naquín ocquixtihqueh in atl itich in atecomeh, yehuan quemah ocmatiah.



Ihcuacon nintlayacancau in tlaxilouanih oquinotz in novio uan oquiluih: —Nochi iluiuahqui achtoh icxiloua in vino non ocachi cuali, uan ihcuac in tlanotzalten simi yoconiqueh, ihcuacon quinmactia in vino non moluehtzin. Pero touatzin yehyeh hasta axan otconquixtih in tlen ocachi cuali vino.



Nin iluicacchiualistli tlen Jesús oquichiu ompa Caná tlen
poui Galilea, yehua tlen achtoh
iluicacchiualis oquichiu,
uan ompa ocnexthi quen
ueyihcatzintli, uan
nitlasalohcauan
Otlaniltocaqueh inauac.




Jesús oyah ichan in Pedro, uan oquitac
nimonan Pedro ouitztoya ica totonqui.



Ihcuacon Jesús octzitzquilih nima, uan in totonqui oquicau, uan yeh omeu uan opeu quintlamaca.




Ihcuac yopancalac in tonaltzin, uan yotlapoyautaya,
oquinualiquilihqueh inauac Jesús nochtin naquín
omococouayah, uan
noiuqui naquín ocpiayah
amocuali ehecameh.
Nochtin in tocníuan
tlen opouiah itich non
altipetl omonichicotoh
caltenco.



Jesús oquinpahtih miqueh tlen ocpiayah tlatlamantli cocolistli, uan oquinquihquixtih miqueh amocuali ehecameh. Uan amo oquincauaya matlahtocan in amocuali ehecameh, nic yehuan cuali oquixmatiah aquih in Jesús.



Nochtin tocnuan ocniquiah ictlalisqueh ninma itich
Jesús, nic itich Jesús oquisaya chicaualistli tlen ica
oquinpahtaya nochtin.



Ihcuacon oualahqueh nauti tlacameh, ocualiquilihqueh se uilanqui.



Yehuan amo ouiliah cahxitiah
inauac in Jesús, nic ompa
otentoyah miqueh tocnivan.



Ica non ocpantlapohqueh in cali
campa Jesús ocatca, uan ic
ompa ocpantimouihqueh
in uilanqui itich nicochpitl.




Ihcuac Jesús oquitac nintlaniltoquilis
nonqueh tlacameh, oquiluih
in uilanqui: —Nocnitzin,
inmitztlapohpoluia nochi
motlahtlacol.
—Touatzin
inmitzoniluia,
xonmoquitzteua,
ixconana
mocochoptl uan
xoyau mochantzin.



Ompa Jesús otlehcoc itich in barca,
uan nitlasalohcauan iuan oyahqueh.
Uan oualmahcocu itich in mar se
ueyitemohtih ehecatl, uan in
atl omotlatlatiuaya uan
chicauac ocalaquia itich
in barca. Uan Jesús
yeh ocochtoya.



Uan Jesús oquimiluih: —¿Tleca namonmomohiah?
¿Tlacameh, simi tzocotzin namotlaniltoquilis! Ihcuacon
omoquitzteu, ocahuac in ehecatl uan in mar,
uan nochi otlamitlasihsintlacac. Uan yehuan
ocmotetzauhqueh, uan
ocmotlahtlanayah: —¿Tleyanon
isqui nin tlacatl?
¿Quenih ohcon in
ehecatl uan in mar
ictlacamatih?



'Dios tlailiuis oquintlasohtlac in
tlalticpactlacameh, ica non octemactih
nisintiConetzin, para nochi naquin
tlaniltocas inauac amo mapohpoliui,
yehyeh macpia in yolilistli
tlen ica in sintitl
nochipa.



Romanos 3:23 pues nochtin otlahtlahcoqueh uan cateh uehca sican de nimouisticchipauualis Dios.

Romanos 6:23 Uan ohcon, tlamilauca, in tlahlacol cualica quemeh tlaxtlauil yen miquilistli, pero nitetlahocoliltzin Dios cualica yen yolilistli tlen ica in sintitl nochipa inauactzinco in toTecotzin Cristo Jesús.

Hebreos 9:27 Dios octlahih mamiquican san ic sipa in tlalticpactlacameh, uan satepan mamoteixpantican inauactzinco Yehuatzin naquin quihtos tlenoh intich icnamiqui.

Efesios 2:8,9 Ixconmatican, ica nitetlahsohitalitzin namontlamaquixtilten ica in tlaniltoquilis. Uan nochi nin amo ualeua namotichtzin, tla yeh yen Dios itetlahocoliltzin. Uan namontlamaquixtilten amo ica itlah namochiualis, para ohcon amaquin mauili mamosini.



Romanos 10:9,10 tla ica mocamac itconihtoua Jesús yeh moTecotzin, uan itich moyolo itconniltoca Dios oconyancuicayolitih itich miquilistli, Dios mitzonmaquixtis. Ica seiyo setlaniltoca uan ohcon Dios tesilia ya sechipauac, uan ica seicamac sectematiltia Jesús poui seiTeco uan ohcon Dios temaquixtia.

San Juan 3:16,17 'Dios tlailiuis oquintlasohtlac in tlalticpactlacameh, ica non octemactih nisintiConetzin, para nochi naquin tlaniltocas inauac amo mapohpoliui, yehyeh macpia in yolilistli tlen ica in sintitl nochipa. Dios amo ocualtitlan niConetzin innauac in tlalticpactlacameh oquimiluico intich moniqui in tlatzacuiltlis, yehyeh ocualtitlan maquinmaquixti.



1 Juan 5:11-13 Uan yeh nin tlen contematiltia: Dios otechonmactih in yolilistli tlen ica in sintitl nochipa, uan nin yolilistli itcahsih inauactzinco niConetzin. Naquin comopialia niConetzin Dios icpia in yolilistli; naquin amo comopialia niConetzin Dios amo icpia in yolilistli. Nin innamechonihcuiluilia namehuantzitzin naquin namontlaniltocah inauactzinco nitoocaaatzin niConetzin Dios, nic inniqui ixconmatican nanconpiah in yolilistli tlen ica in sintitl nochipa [uan xontlaniltocacan inauac nitoocaaatzin niConetzin Dios].



San Mateo 8-9; San Marcos 1-2, 4;
San Lucas 4, 8; San Juan 2

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: E. Frischbutter; Sarah S.

Nahuatl: Zacatlán, Ahuacatlán, Tepetzintla NT (nhi) ©
2012, Wycliffe Bible Translators, Inc. All rights reserved.

<https://live.bible.is/bible/NHIWBT/MAT/1>

©2025 Bible for Children, Inc.

www.M1914.org

www.bibleforchildren.org

